



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. IV. Respondetur ad alia argumenta.

[urn:nbn:de:hbz:466:1-73031](#)

383. Colliges. 2. quando transmisimus suprà, quod propositio per fidem Apostolicam damnata, *scandalosa*, consequenter sit *falsa*, debere intelligi, quod sit *falsum*, licere *juxta illam operari*: nam quando certum est, quod aliqua operatio eo ipso, quod exerceatur, scandalosa sit, hoc est, *apta inducere ruinam spiritualem*, nequit esse licitum, aut prudenter judicabile ut verum, *quod licite, seu citra culpam exerceri possit*. Ceterum non omnis propositio *ex hoc, quod scandalosa sit, falsa est*; nam, qui de proximo (qui externè habetur vir probus) narrat gravia delicta, quæ re ipsâ perpetravit, verum dicit, & tamen hoc dictum est scandalosum.

384. Colliges. 3. ex hac tenus dictis, rectè sequi, Ecclesiam non posse præcipere, vel prohibere *directè actus internos, lege coactivam*, hoc est, ita, ut talis prohibitionis transgressores poenam coercere possit. Nam illi, cuius cognitionem habere nequit, decernere poenam non potest; securus est indirectè, ut ex dictis liquet. Ceterum omnino fieri potest, quod potestas humana quem obliget ad aliquem actum internum, ex suppositione obligato voluntariâ v. g. ut, *si velit profiteri Religionem, habeat intentionem se obligandi &c.* ubi vides actum internum non præcipi *directè*, nisi ex suppositione, aut sub conditione, quod velit certos effectus, qui haberi non possunt sine causa, quæ, *inesse talis*, constituitur per actum internum.

§. IV.

Respondeatur ad alia argumenta.

385. **A**ntequam ea proponam, not. ex P. de Cardenas p. 3. *Crisis Theologica*, disserr. 34. c. 2. a. 2. n. 32. juxta illum dubios modis posse defendi sententiam, quæ negat Ecclesia potestatem *directam in actus internos*; primò, quod non possit in illa dari potestas, condendi legem, *nisi coactivam*, juxta quam Legislator possit judicare, & exequi poenam, quæ relate ad actus internos impossibilis sit in non valente cognoscere actus internos; & hoc sensu sententiam negantem à pluribus attribui S. Thomæ. Secundò si dicatur, posse ferri legem circa actus internos, non quia impossibilis sit *lex purè directiva circa illos*, sed quia is modus gubernationis,

Tom. I.

actus solum extermos imperandi, est conformior naturæ hominis, & hanc tribuit Patri Suarez l. 4. de legib. c. 12. n. 9. Primum modum ait esse falsum, & secundum principia intrinseca improbabilem; secundum autem ait, esse probabilem, non tamen nisi fundamento urgenti, sed solum cuidam congruentia; quo posito:

Supponit. 1. duplē esse legem; aliam *pure directivam*, & aliam *directivam, simul & coactivam*. Pure directiva est, quæ præcipit obstringendō conscientiam; cujus obligatio soli iudicio conscientiae relinquitur. Directiva simul, & coactiva est, quæ præter præceptum imponit poenam tacitè, vel expresse; quæ etiam dicitur *lex comminatoria*. Supponit. 2. legem *coactivam* etiam esse duplē: aliam nempe coactivam *coactione interna*; aliam *coactione externa*. Coactione interna procedit, quæ præcipit aliquid sub poena incurrienda ante sententiam Judicis, qualis est censura latæ sententiæ: ubi patratō delicto ad incurriendam poenam non requiritur sententia Judicis. Coactione externâ procedit, cum lex imponit præceptum sub poena à Judice infligenda exterius, quæ non solum est corporalis, sed etiam potest esse Spiritualis: nam quando Judex excommunicat Reum, externè procedit, & hujus generis est lex, quæ præcipit sub excommunicatione sententiæ ferendæ, his præmissis:

Docet primò, non esse *de ratione legis in communi*, quod sit coactiva, sed solum de ratione legis *ut efficaciter inducit ad virtutem*; rejicit igitur eam sententiam, quæ contendit, *omnem legem esse debere coactivam metu poenæ*, taliter, quod Judex possit judicare de violatione illius, & punire: ita ut, si lex non sit hoc modō coactiva, non possit ferri à legislatore. Et quia leges humanæ de actibus internis non possunt esse coactivæ hoc modō, inde fieri, quod Ecclesia non possit ferre leges de actibus internis. Rationem contradictam opinionem aliorum dat, quia Ecclesia potest ferre leges de actibus internis *merè directivas*; ergo non est de ratione legis *in communi* esse directivam, & coactivam simul, seu efficaciter inducitivam ad virtutem.

Ant. probat. 1. quia Princeps subjicitur suæ legi concernenti bonum commune;

M. 2

non

non quoad vim coactivam, sed solum
quoad vim directivam, ut diximus: ergo
in lege separabiles sunt *vis directiva*, &
coactiva. poterit ergo Ecclesia ferre leges
directivas, obstringentes conscientiam,
circa actus internos, sine eo, quod habe-
at vim coactivam.

Secundò, leges civiles, concernentes
bonum commune universorum, obligant
etiam Clericos, v. g. taxa frumenti, &
aliarum mercium, facta à Principe, & ta-
men non ligant eos vi coactiva, sed solum
merè directiva.

Tertiò, quando Regularibus in regula
præscribitur oratio *mentalis*, potest Pra-
latus præcipere orationem *mentalem* in virtute
voti Obedientiae, cui sponte se subje-
runt, & tamen hoc præceptum est merè
directivum de actu interno.

389. Quartò lex *naturalis*, prout condistin-
guitur à divina, & aeterna, est solum direc-
tiva, & non coactiva ex metu poenæ. So-
lum enim respicit conscientiam: & optimè intelligitur, quod possit obstringere
conscientiam, sine eo, quod cogat metu
poenæ; ergo vis coactiva, & directiva, in
lege separabiles sunt.

Quintò, sic sequeretur, quod Ecclesia
non possit præcipere *actus mixtos* ex in-
ternis & externis. Nam si nihil posset præ-
cipere, nisi de quo possit judicare, & poenā
ferre; cum de actu interno (ut fatetur
opposita sententia) non possit judicare,
consequenter poenam decernere; eo ipso
non poterit legem ferre de actibus mix-
tis ex internis, & externis.

Denique bonum est argumentum ab
oppósito contradictorio consequentis ad
oppositum contradictorium antecedentis
in argumentatione legitima: sed ex argu-
mento immediate antecedenti constat,
esse legitimam hanc argumentationem
(Ecclesia non potest præcipere *actus pure*
internos; ergo nec *actus mixtos*) ergo be-
nè valet: Ecclesia potest præcipere *actus*
mixtos; ergo potest præcipere *actus pure*
internos: sed hos non potest lege coactiva;
ergo directiva. Sic Cardenas cit. *dissert.*
24. c. 4. a. 4. à n. 48.

390. Circa præsentem opinionem, conce-
do omnino, non esse de ratione legis, vel
præcepti ut sic, esse coactivam, vel effica-
citer esse inducтивam ad observantiam
præcepti, metu poenæ, supponentis culpam;

nec esse de ratione legis, aut præcepti ut
sic, ut omitti non possit actus præceptus,
nisi per omissionem peccaminosam, nam,
ut aliquando tradidi in materia de Incar-
natione, Christus habuit præceptum rigo-
rosum moriendo, illudque liberè adimple-
vit, non obstante impeccabilitate, potens
omittere acceptationem mortis, quin o-
mittendō peccaret, omissione scilicet posi-
tā pro sensu diviso præcepti, existentis de-
pendenter à scientia media, quam D E U S
habuit præconsultā libertate Christi, quod
scilicet liberè acceptaret mortem, etiam
nullo existente præcepto.

Nego tamen, non esse de conceptu *le-
gis humana*, propriè dictæ, & ad juris-
dictionem *fori externi* pertinentis. Quia primò id non probant rationes hactenus
allatae à n. 388. ad primam enim Resp.
verum est, Principem ligari ad observan-
tiā legis à se conditā; non in vi hujus,
sed in vi *juris naturalis*, & *divini*, quo
Princeps tenet exemplū suō subditos in-
ducere ad observantiam illius legis, jux-
ta doctrinam superius traditam; sed dist.
conseq. ergo in lege, prout præscindit ab
humana, vel *divina*, separabiles sunt *vis*
coactiva, & *directive*, C. in lege contra-
cta ad *humanam*, & pro *foro fori* consti-
tutam, N. conseq. & reliqua.

Ad secundam rationem eadem est re-
sponsio; concedo enim, Clericos teneri
ad observandam illam taxam (à Princi-
pe propter bonum commune universo-
rum, præscriptam) at non in vi illius *le-
gis humanae* à Principe conditæ, sed in
vi *legis naturalis*, & *divine*, quā pars
alicujus communitatis, in his, quæ spe-
stant ad bonum universorum, tenetur
concurrere, sc illi conformandō per acti-
ones, ejus conservationi debitas.

Ad tertium Resp. tale præceptum Prä-
lati non esse merè *directive*, nec direc-
tè imperare actum internum etiam ex
vi obediencie; sed solum in directe, qua-
tenus illud præceptum Prälati imperat
orationem voto promissam, seu *debitam*
ex vi voti. Non est merè *directive*;
cum talis Religiosus omittens aliquam
partem orationis voto debita (nimirum
externam orationem) à tali superiore ju-
dicari, & puniri possit. Nec enim est ne-
cessē, ut judicare, ac punire possit viola-
tionem legis, in quantum est violatio voti,
quæ fieri potest vel omissione actus exter-
ni,

ni, vel interni; quia satis est, quod omissione actus interni reddatur presumptione cognoscibilis per omissionem actus externi. *Nec directè imperat actum internum;* sed solum indirectè, quatenus imperat actum externum, decentis orationis vi voti debitæ, secundum quod voto est actus debitus, atque adeò, quatenus requiritur, ut ea oratio sit oratio mentis.

394. Ad quartum in n. 389. Resp. ex ea ratione solum probari, esse coactivum, seu efficaciter inducivum ad actum preceptum, non esse de ratione legis, seu præcepti ut sic quod ultrò concedimus: sed ex hoc non probatur, posse dari legem humanam, quæ non sit coactiva, sed merè directiva. Accedit, quod violatio juris naturalis ex vi juris naturalis sit punibilis. Nam si daretur peccatum merè philosophicum, seu præcisè contra naturam rationalem quæ talem, in materia gravi taliter peccans excluderetur à cognitione clara authoris naturæ quæ talis, prout est in se, seu a beatitudine naturali, sine qua non stat beatitudo hominis etiam ad statum supernaturalem elevati, ut alibi diximus.

395. Ad quintum Resp. ut lex dicatur coactiva, & non merè directiva, sufficere, quod Legislator possit judicare de illius transgressione, secundum quod explicat omissionem alicujus partis, sine qua non stat observantia talis legis; quo posito nego sequelam. Nec probatio recte sequelam infert. Nam licet non possit judicare, & punire omissionem actus interni solitariè sumpti, posito tamen actu externo; potest tamen punire omissionem actus externi, consequenter aliquam partem actus mixti, si per ejus omissionem violentur præceptum de ponendo actu mixto, quia tunc presumitur etiam omissione actus interni, ut dixi n. 393. quod sufficit, ut recte notat P. Illung in Theol. præct. tract. I. d. 2. a. 2. q. I. n. 12.

396. Sic, licet DEUS non possit amare peccatum, potest tamen amare suam cognitionem, ut veram denominativè sumptam, de existente peccato, licet ea cognitione ut vera dari non possit sine existentia peccati: ergo licet Legislator humanus non possit punire actum internum, sine quo non potest dari actus mixtus ex interno, & externo, tamen sufficienter verificatur, quod possit punire omissionem

actus mixti, si possit punire omissionem actus externi (sicut DEUS amat suam cognitionem) licet non possit punire actum internum, quo externus constitutus in esse actus mixti. Cognitio vera, ut vera, denominativè sumitur, quando reduplicatio solam importat cognitionem in recto, & objectum duntaxat de connotato, seu in obliquo; quando autem utrumq; importat in recto, ut super utrumq; cadat denominatio, sumitur quidditativè. Certum autem est, quod DEUS amans suam cognitionem ut veram de peccato, non amet peccatum; ergo nec suam cognitionem ut verā quiditativè, sed tantum denominativè.

Deinde, quando Legislator præcipit fieri aliquem actum sub certa denominazione, sub qua debitus est alio jure v. g. naturali, vel divino, ad quam denominacionem requiruntur plura constitutiva, quæ ratione sui non cadunt sub sensu, consequenter naturalem hominis cognitionem, satis est, quod possit cogere ad positionem actus externi, & hoc metu pœnae, licet ea pœna non possit infligi a Legislatore humano pro omissione singulorum, quibus intrinsecè constat ille actus externus sub tali denominatione alio jure debitus. Nam hoc ipso, quod omittatur aliqua actio externa, qua constat denominatio illius actus alio jure debiti, non fit, quod illo jure debitum est, & quidem omissione punibili à Legislatore humano, qui præcepit fieri alio jure debitum.

Ad ultimum C. maj. N. min. nam ex eo, quod Ecclesia non possit præcipere actus purè internos, ac simplices, non rectè sequitur, quod non possit præcipere actus mixtos ex internis, & externis, adeoque nulla est illatio: Ecclesia potest præcipere actus mixtos ex internis, & externis: ergo potest præcipere actus internos simplices. Et ideo illatio à contradictorio consequens ad contradictorium antecedentis in hoc casu pariter est nulla, imò talis non est in dato argumento; quia laborat suppositione falsa, quod scilicet haec propositio (Ecclesia potest præcipere actus mixtos ex interno, & externo) sit antecedens, seu vi sua sit connexa cum ista (ergo potest præcipere actus internos simplices). Fallit enim primò, si velit, quod possit directè præcipere etiā actus internos, quando præcipit actus mixtos, ut constat ex di-

Etis. 2. quia dicitur argumentum à termino complexo ad incomplexum, quod in multis fallit, &c. &c.

399. Pro reliquis ex eodem Authore àn3. 4.
not. 1. negari probabilius, quod Ecclesia habeat potestatem directam circa actus internos; nam licet potestas Ecclesiae à Christo data sit propterea, ut dirigat fidèles ad fidem supernaturalem, qui pluri-mūm obtinetur per actus internos: satis tam-en provisum est, ad hunc finem, prout ab Ecclesia procurandum, per potestatem legis coactiæ, ut inobedientes, vel discedentes à mediis, per poenas efficaciter ad eorum observantiam perducat, cùm omis-siones actuum internorum (qui per se requisi-ti sunt, ut actus externus non tantum externe, sed etiam, secundum quod jure divino fieri debet, casu, quo talis actus exte-rrnis exercetur v. g. suscep-tio Sacra-men-ti, sacri Ordinis, fuga peccati &c.) jure na-turali, vel divino, atque adeò aliunde jam prohibitæ sint.

400. Not. 2. quando in Tridentino sess. 13. in decreto de Sanctissima Eucharistia interdicitur omnibus Christi fidelibus, ne post ea (quæ ipsum statuit, aliter, quam ut eo decreto explicatum, atque definitum est) credere audeant, directè interdici fidem externam contrariam illi decreto, & indirectè præcipi, ubi fides exercenda est, eam exercendam, prout jure divino debita est, sicut diximus de aliis objectis jure divino debitis, de quo obedientiam D E O præstandam, legibus Ecclesiae cautum est. Similia plura ibidem habet Cardenæ, quæ ferè in easdem solutiones recidunt.

401. Ex hoc sequitur, vi argumentorum, quæ hic Author adducit, non esse falsam, & improbabilem eorum opinionem, qui do-dent, Ecclesiam non habere potestatem directam in actus internos, sed solum indi-rectam, quatenus necessarij sunt, ut existat actus externus sub ea denominatione, secundum quam debitus est alio jure v.g. naturali, vel divino, cui præstandam obe-dientiam potestas humana præcipit. Hinc aliud est orationem vocalem esse veram orationem externam, seu vocalem, etiam si non fiat cum attentione interna petendi, quod significant verba; aliud esse orationem veram simpliciter, qua formaliter pe-timus aliquid à D E O. Hinc quando Ec-clesia præcipit orationem v.g. diuinij officij,

directè præcipit solam externam verbora pronuntiationem cum interna attentione, præter externam, vi cuius integrè verba omnia ordine, & tempore debito, vocali-liter effterantur; si autem præcipit, ut ore-mus formaliter petendo, & loquendo cum Deo (cum jure divino ad talem orationem, plures actus interni sint necessarij) præci-piendō orationem jure divino debitam, so-lum indirectè præcipit hos actus internos.

Ea doctrina, quæ negat potestatem di-rectam legislatori humano in actus in-ternos, confirmari potest ex doctrina Div. Thom. 1. 2. q. 91. a. 4. ubi inquirens, an fuerit necessarium, esse aliquam legem di-vinam? suæ responsionis affirmativæ hanc reddit rationem tertiam: de his potest ho-mo legem facere, de quibus potest judica-re: judicium autem hominis esse non potest de interioribus motibus, qui latent; sed solum de exterioribus actibus, qui apparent; & tamen ad perfectionem virtutis requiri-tur, quod in utrisque actibus homo rectus existat: & ideo lex humana non potuit co-hibere, & ordinare sufficienter interiores actus, sed necessarium fuit, quod ad hoc superveniret lex divina. Ex hoc enim ap-paret, quod S. Thomas agnoverit, quod leges humanæ non possint sufficienter a-ctus internos vitiosos cohibere, ac iis oppo-sitos, vel eorum omissionem ad perfectio-nem virtutis ordinare, prout necessarium est, ad finem supernaturalem hominum; & ex hoc intulerit necessarium esse legem ultra humanam, nimirum divinam, quæ scilicet efficaciter perduceret ad vitandos vitiosos & exercendos virtutum actus internos. Hinc colligitur 1. D. Thomam, indirec-tè saltem, agnovisse, leges humanas, nec directivè quoad potestatem legislativam extendi ad actus merè internos, quia si ne-gavit legi humanæ (quæ saltem aliquantum coactivam habet, metu poenæ coercendi homines à transgressione legis:) vim sufficiemt cohibendi actus internos vi-tiosos, & ordinandi ad virtutem, à fortiori negavit, legi humanæ vim directivam. Nam hæc multò minus potest co-hibere homines à malo, & ordinare ad bonum internum, si eos non cohibeat lex divina, de qua certum est, posse esse, & esse coactivam.

Colligitur. 2. probabilius esse, pote-statem directam in actus merè internos nulli

404.
nulli Legislatori humano posse competere , respectu subditorum , qui culpabiliter possunt deflectere à recto. Nam humana potestas legislativa fundatur in necessitate cohibendi à malo , vel ordinandi ad bonum , quatenus ea potestas , seu lex respicit *bonum commune hominum* , à quo membra talis communitatis culpabiliter possunt deviare ; sed hæc necessitas non est ad legem purè directivam , nec etiam esse potest in legislatore humano. Nam per eam neutrū obtinere potest , cùm de actibus merè internis nullam habeat notitiam , ergo. Major est ex eo , quia potestas subordinata convenire non potest prudenter , aut indulgeri , nisi quantum exigit necessitas ad finem , quem subordinans intendit tanquam procurandum à subordinato , quæ tali , & apud tales , quod non fit per hominem apud homines à recto facile deflectentes , nisi externè coerceri possint. Hujus ulterior ratio est . 1. quia iurisdictio , & potestas gubernandi communitatē *humanam* , per homines tanquam illius Praesides , & Rectores , debet esse ad media , quibus obtineri potest bona constitutio communitatis *humanae* ; quæ , cùm externa sit , & sensibilis , exigit media externa , & per se sensibilia , nimirum per se judicabilia in foro externo. Secundò quia potestas legislativa , quæ *humanae* communitatis gubernationi necessaria est , fieri debet per homines , & in id directè tendere debet , ut per legem à se conditam imponat necessitatem subditis , vel executionem operare præstandam ; vel pœnam tolerandam per Judicis sententiam , si vel ei sic visum fuerit ; vel necessitas boni communis exigerit ; ergo omnis alia potestas , quæ *humanae* fini deservire non potest , humano Legislatori (utpote inutilis) à summo rerum omnium Gubernatore committi non debuit ; & valde probabiliter , spectato illo fine , nec potuit.

Ex hæc tenus dictis sequitur . 1. sententiam Patris Dicastillo relatam à n. 355. & Authorum , qui eandem tenent , vi adductorum contra eam hæc tenus argumentorum non esse certò falsam , consequenter improbabilem , ex vi decretorum Alexandri VII. & Innocentij XI. ut vult Cardenas cit. n. 356. Hinc omnino sustineri potest etiamnum opinio dicens , po-

testatem humana non posse actus purè internos directè , nimirum immediatè ratione sui , præcipere , vel prohibere , sed tantum indirectè , quatenus per se requisiti sunt , ut physicè , ac liberè existat actus externus , prout externè debet , nimirum integrè ordine , ac tempore præscripto ; ratio hujus est ex n. 327. Quarè si per esse morale actus externi nihil aliud intelligatur , quam denominatio actus externi in esse actus humani , ac liberi (quo sensu esse morale sumitur solum generaliter) potestate humanā præcipi , ac prohiberi possunt actus interni per se requisiti ad esse morale actus externi , in dicto sensu moralitatis ; quo tamen casu sub legem humanam cadent solum indirectè actus interni.

Sequitur . 2. quando potestas humana fert legem , ponendi , vel omittendi aliquæ actum externum *nullo jure altiori* (v. g. naturali , aut divino) alias debitum , sub legem illam , præter actum externum , solum cadere eos actus internos qui per se requisiti sunt ad esse morale actus solum generale , prout scilicet hoc importat denominationem actus externi , *humani* , liberè positi. Ratio est ex n. 330. Dixi actum externum , *nullo alias jure ulteriori* v. g. naturali , vel divino debitum . Nam aliud est , quando præcipit , vel prohibet aliquem actum , cuius positio vel omissione , jam alias jure naturali , vel divino est debita , sub certa denominatione moralispeciali , v. g. validi , obligantis , divini cultus &c. quæ denominatio , quæ talis , essentialiter importat aliquos actus internos , à quibus formaliter habeant hoc esse morale speciale , validi , obligantis , actus divini , præter esse morale generale actus humani præcisè , ac liberi ; & de his maxime procedit quæstio , quam potissimum controvèrtit Cardenas , & vult eos directè præcipi ab Ecclesia , ubi præcipit orationem divini officij , confessionem validam annuam , Sacramentorum sumptionem , aut confessionem , celebrationem contractuum &c. Et in ordine ad hanc quæst. procedunt argumenta nostra contra illum.

Sequitur . 3. quando Ecclesia , tales actus , jam aliunde debitos jure naturali , vel divino , præcipit , vel prohibet , non quoad ipsam positionem , vel omissionem , sed tantum quoad circumstantiam v. g. ut externè fiant tali tempore , loco , ordi-

*re, ceremonia: actus illos internos per se requisitos ad esse morale speciale actus externi, præcipi, vel prohiberi solum indirecte, quatenus ea circumstantia, quam directe respicit, in esse physico, & morale solum generaliter sumpto, haberi non potest, sine actu externo quoad esse morale speciale, secundum quod jure naturali, vel divino exigitur, ut diximus jam sapientius; similiter quando præcipit ipsam positionem actus jure naturali, aut divino debiti, solum indirecte præcipi actus internos per se requisitos ad esse morale speciale actus externi jure divino debiti, quatenus scilicet impossibile est verificari, factam esse positionem actus externi tali loco, tempore, &c. secundum quod jure naturali, vel divino debitus est talis actus, nisi adsint illi actus interni. Nam esto sacerdos millies pronuntiet verba consecrationis supra hostiam, vel calicem, si tamen desit intentio conficiendi Sacramentum, nunquam verum erit, ab illo positam esse consecrationem externam, secundum quod debita est jure divino; nam *ut debita jure divino*, essentialiter explicat illam intentionem internam; ergo positio consecrationis externæ, sine interna, non est positio consecrationis jure divino debita, ac exiguae. Nam hoc utramque petit; & sic de alijs.*

407. Sequitur 4. nullam potestatem, seu jurisdictionem humanam (in quantum pertinet ad externam gubernationem humanae communis, quæ talem) aut extendere, aut posse se extendere, ad condendas leges propriæ dictas, quibus directe præcipiat, vel prohibeat actus pure internos. Nam, vel id fieret per legem directivam tantum, vel directivam simul & coactivam? non primum, ex n. 393. non etiam secundum; quia sic deberet posse metu poenæ, humanæ potestate infligendæ, efficaciter inducere ad actum illum internum; at hoc non potest ex dictis; ergo. Et ideo rubrica Breviarij, vel Missalis, aut similium pertinentium ad titus, & certas Ecclesiæ ceremonias, jure solum Ecclesiastico inductæ, quæ non obligant in conscientia, atque a deo solum directivæ dicuntur, ut expomemus n. 1317. non sunt leges propriæ, etiam directivæ in eo sensu, quo lex directiva sumitur n. 386. sed tantum illo, quo sonant idem, ac consilium, ut diceamus loc. cit.

An, qui non potest ponere majorem partem materie præceptæ, teneatur ad minorem?

A Lij sic proponunt, an, qui non potest 408, ponere integrum actum præceptum, teneatur ad ejus partem? pro quo supponendum. 1. duplum esse materiam præcepti, unam *de re individua*; quæ scilicet commode dividere non potest, quin in ejus parte salvetur præceptum: alteram *de re dividua*, quando etiam in parte salvatur præceptum, sicut in toto, & una pars ab alia non dependet.

Supponendum 2. in omni re præcepta 409, alias esse partes accidentales; alias substantiales, posteriores, per se, & primò intentas. Postiores, collectivè sumptu, fundant vim obligatoriam; distributivè, vel collectivè eam tollunt, quos effectus priores non habent; ita Sanchez l. 1. in Decretal. c. 19. n. 6. Unde etiam materia præcepti sit ex se dividua, seu divisibilis, seu constans pluribus partibus, fieri tamen potest, quod non sit divisibiliter præcepta, ut si præcipiatur sub aliqua denominazione, quæ non salvatur, nisi in complexo partium, v. g. *prime, tertia, nona*. &c. vel quando id, quod præcipitur, constat pluribus partibus sic, ut reliquæ præcipiantur dependenter ab altera.

Resp. 1. quando præceptum est de re individua, qui non potest totum, non teneri ad partem. ita Sanchez cit. n. 5. quia nemo obligatur ultra id, quod præcipitur; sed si quis non potens ponere majorem partem materie indivisibiliter præceptæ, teneretur ad minorem, teneretur ultra id, quod potest, teneretur enim ad totum indivisibiliter; alio enim modo talis materia non est præcepta; nec alio modo posita, poneret, quod est præceptum; ergo. Ex hoc sequitur, voventem tertiam partem rosarij, non teneri ad unam, vel alteram decadem, si non potest tantam partem, quæ saltē moraliter est tercia pars rosarij; quia sic non potest ponere materiam voto promissam, quæ est tercia pars rosarij, quæ non salvatur in una decade, sicut nec *jejunium*, seu abstinentia à carnis cum unica tantum refectione intra 24. horas, si non possit intra hoc tempus præstare talem abstinentiam; Sic P. Henricus Herdinck in M. S. de Legib. D. 2. Q. 7. id quod docet Sanchez consil.